

Ndiepgyaez Sengmingh, Lizgyae Huqdoeg

上林县大丰镇皇周小学六(2)班 Giz Cingyiz/屈静怡

Miz baez ndeu, gou yawjraen hagdangz senhconzlanz miz banjbaug gimqdoeg, gou sieng yawj dauqdaej gwnzde sij gijmaz, mbouj yawj mbouj rox, yawj le ndang cungj saenz caez.

Gij banjbaug saedcaih hawj vunz ndang saenz sim diuqbobbob, gwnzde sij miz gak cungj saehlaeh fanjmienh gwndoe, lumj miz boux hagseng ndeu cingq doeg gauhcungh it nienzgaep, aenvih daiq saeng doengzhag, ndigah mbouj miz aensim fuengz vunz, doengzhag hawj de naed dangz ndeu—huqdoeg, de mbouj hozngeiz saek di, couh gwn roengzbae. Doeklaeng hwnjyinx lo, dingz mbouj roengzdaej, aenn dang de byombyangbyang, lix mboujyawx dai bae. Miz boux mehmbwk cungnienz bizbwd ndeu, aenvih biz lai, nyapnyuk raixcaix. De dingq gangj huqdoeg ndaej gemjbiz, de mbouj ngeizvaeg saek di, couh cawx le huqdoeg, gangjip gwn roengzbae, doeklaeng aenn dang de yienznaeuz byom roengzdaej lo, hoeng mwh yinxdoeg fatcak, hojyouq yaek dai, ngaiz hix gwn mbouj roengz, daengxngoeng cungj siengj gwn huqdoeg, siengj gaj hix gaj mbouj ndaej, ndangcangq mbouj miz lo, gyadaej mbouj miz lo, gya hix mbouj baenz gya lo. Yawj daengz gij gojgaeq camj dwk mbouj nyaenx yawj neix, hawj vunz dungxmbouq ndangsaenz, bwn gwnz ndang cungj daengj-saengsaeng bae, huqdoeg doiq vunz ndangcangq sienghaih caen hung ha!

Youq gwnz banhoih cawjdaez “ndiepgyaez sengmingh, lizgyae huqdoeg”, lauxsae hawj dou

gangj aen gojgaeq engq caensaed youh siliengz ndeu: Gaenhlaenz mbanj miz boux hauxseng ndangcangq ndeu, baez ndeu de vihliux angqhoh baengzyoux gvaq ngoenzseng, haeuj ndaw “KTV” bae, baengzyoux de ndenq naed “yauzdouzvanz” he hawj de, de laihnaeuz dwg dangz, couh sikhaek gwn roengzbae, hoeng baez gwn roengz dungx le, gij yw couh fatcak lo, aen’gyaeuj de ngauz mbouj dingz. Doeklaeng de doiq “yauzdouzvanz” hwnjyinx lo, de dawz ngaenz gwnz ndang cungj bae cawx “yauzdouzvanz”, doeklaeng bienqbaenz gwn mbahau lo. Ngaenz yungh liux le, couh cam daxbuz aeu, daxbuz laihnaeuz dwg yungh daej gwndaenj, couh hawj ngaenz hawj de. Hoeng de ngoenzngoeng cam daxbuz aeu ngaenz, ngoenzngoeng haeujok “KTV”、“ciujbah”. Daxbuz roxnyinh mbouj cingqciengz, naeuz de haujlai baez, de cungj mbouj dingq, couh mbouj hawj ngaenz hawj de. De doegyinx fatcak, nyaenx mbouj ndaej, yawjraen daxbuz cingq saeg buh, couh gaemdawz fag caxbyaek, bag dai daxbuz bae, lij cienzbouh caeg aeu ngaenz ndaw ranz, deuz ok rog bae lo. Dangyienz de doeklaeng lijdwg deng



faplwd ceihfad lo. Dingq lauxsae gangj sat aen gojgaeq neix le, byoem gwnz gyaeuj gou daengjsubsub, genga cungj hwnj naenggaeq, huqdoeg haih vunz caen doeg ha!

Huqdoeg dwg gij laex duzfangzdai, mwngz baez ciep aeu, couh dai youq ndaw fwngz duzfangzdai, duzfangzdai gig fouzcingz. Vihliux sevei an’ onj doxhuz, vihliux ranzvunz bingzan vuenyungz, cingj geiqmaenh gawq vah neix: Ndiepgyaez sengmingh, lizgyae huqdoeg.

(bouxlauxsae son’gyauq: Vangz Gveiyangh/黄桂香)

Suek Faengx

Ngoenzneix dwg ciet ngx nyied co’ ngx, ranz gou gietdingh suek faengx daej coux aen ciet neix.

Hainduj suek faengx lo! Yahdaiq gaeng dawz bat haeuxcid bwh ndei haenx cuengq gwnz daiz, daxboh riuj doengj rongfaengx heuyayau he daengz baihnaj dou. Gou caj mbouj gib song fwngz iet roengz doengj bae aeu song mbaw rong, gienj baenz aenlaeuh. Dang gou dawz haeuxcid coq haeujbae seiz, haeuxcid gingqyienz dai baihlaj roh okdaej lo. Gou gangjip aeu rong daej suek aencong, dinfwngz luenh caez dawz haeuxcid doek gwnz daiz haenx dauq coq haeujbae. Gaenlaeng, gou dawz aen hoengzcauj he oet haeuj ndaw haeuxcid bae, caiq aeu aen gak song mbaw rong doxdab euj coh baihgva, doeklaeng aeu cag daej cug, lij heux sam seiq gien, aen haeuxfaengx he couh suek baenz lo.

Mwh gou suek aen faengx he, yahdaiq gaeng suek ndaej haj aen, lij suek ndaej gig gyaqciq. Gou doeksaet dwk yawj yahdaiq, yahdaiq riunyumnyum lwnh gou: “Gienj mbawrong itdingh aeu caengzcaengz suek ndaet, neix dwg bough youggaenj re haeux roh okdaej. Lij miz, haeuxcid mbouj ndaej coq rim lai, mboujnex cug cag seiz haeux heih roh okdaej.”

Yawjdaej, suek faengx miz haujlai ndei banhfae bw!

(ngeih nienzgaep Huz Gingzvwnz)



Lwnhgangj Maksae



Gou caeuq daxmeh bae suenyw gwnz bya guhcaemz, yawjraen henz roen miz go faex ndeu dawzmak baenz nyoemq baenz nyoemq, lwg-mak de caeuq maknganx doxlumj lai.

Maknganx mbouj ndei-yawj lumj de, mbouj henj-rwkrwk lumj de, mbouj ronghcingx lumj de. Maknganx goj mbouj homfwtfwt lumj de, mbouj vanyupypup lumj de.

Gou laihnaeuz cungj mak neix baenzgwn gvaq maknganx, couh mbaet aen ndeu coq ndaw bak nyaij, aiya, youh haemz youh

saep youh niu, linx cungj maz liux.

Daxmeh naeuz, cungj mak neix heuhguh maksae, gwn mbouj ndaej go.

Geizheiq lai! Maksae haemz baenzneix saep baenzneix niu baenzneix, gwn le linx lij maz dem, vihmaz ndeiyaew gvaq maknganx bae ne? Vihmaz nyuq de youh homvan gvaq gij maknganx vanyatyat de ne? Vihmaz mbouj lauxlaux saedsaed yakyawj di ne, hawj vunz raen le couh haemz de ne? Vihmaz gyaunde baenzneix, dwggayaez baenzneix, hawj vunz gyaemaij ne?

Maksae rox yaeuh vunz lai! Dwgo! Denggo! Doenghij vunzrix yaeuh vunz caeuq duznyaenma vaddaeuz ndaw gojgaeq daxboh lwnh de, goj dwg cangguh yiengh dwggayaez, gangj vah ndeidingq, mbouj dwg ma? O! Gou rox lo: Vunz, miz bouxguhyaeuh yaeuh vunz; nyaenma, goj rox yaeuh vunz; lwgmak, goj miz lwgmak yaeuh vunz. Maksae couhdwg mak yaeuh vunz, dwg lwgmak ndawde aen mak guhyaeuh go!

(Daj 《Bonjsei Sim Lwngnyez》(Veiz Gizlinz raiz) senj okdaej, Lwgfwnzme/卢奋长 hoiz)